



جايتم كماله وان اسلام ملابسا

JABATAN KEMAJUAN ISLAM MALAYSIA
Blok A & B, Kompleks Islam Putrajaya
No 23, Jalan Tunku Abdul Rahman
Presint 3, 62100 PUTRAJAYA
MALAYSIA

Tel : 603-8870 7000
Faks : 603-8870 7707
Portal Rasmi : www.islam.gov.my

Ruj. Kami : JAKIM.BPI.800-5/1/1 Jld. 3 (32)
Tarikh : 16 Oktober 2017

Semua Penerima Skim Pembiayaan Hafiz (SPH) Jakim

السلام عليكم ورحمة الله وبركاته

Tuan/Puan,

**PROSEDUR PERMOHONAN KEBENARAN BERKAHWIN BAGI PENERIMA SKIM
PEMBIAYAAN HAFIZ (SPH) JABATAN KEMAJUAN ISLAM MALAYSIA (JAKIM)**

Dengan hormatnya saya menarik perhatian tuan/puan kepada perkara di atas.

2. Adalah dimaklumkan bahawa Jabatan Kemajuan Islam Malaysia telah mengeluarkan satu Prosedur Permohonan Kebenaran Berkahwin bagi Penerima Skim Pembiayaan Hafiz bertujuan menjelaskan tatacara permohonan kebenaran berkahwin yang wajib dipatuhi oleh penerima Skim Pembiayaan Hafiz (SPH).

3. Prosedur Permohonan Kebenaran Berkahwin Bagi Penerima Skim Pembiayaan Hafiz (SPH) Jabatan Kemajuan Islam Malaysia (Jakim) boleh dirujuk seperti di **Lampiran A**. Tuan/Puan juga boleh memuat turun prosedur tersebut di sistem atas talian Skim Pembiayaan Hafiz (SPH) di alamat <http://sph.islam.gov.my>.

4. Prosedur ini berkuatkuasa pada tarikh surat ini dikeluarkan. Kerjasama dan perhatian tuan/puan amat dihargai dan diucapkan terima kasih.

Sekian, wassalam.

“BERKHIDMAT UNTUK NEGARA”

Saya yang memurut perintah,

(HAJAH ZAWANAH BINTI MUHAMMAD)

Pengarah

Bahagian Pembangunan Insan

b.p Ketua Pengarah

Jabatan Kemajuan Islam Malaysia

**PROSEDUR PERMOHONAN KEBENARAN BERKAHWIN
BAGI PENERIMA SKIM PEMBIAYAAN HAFIZ (SPH)
JABATAN KEMAJUAN ISLAM MALAYSIA (JAKIM)**

TUJUAN

Prosedur ini bertujuan untuk menetapkan tatacara permohonan kebenaran berkahwin bagi para penerima (Pelajar) Skim Pembiayaan Hafiz (SPH), Jabatan Kemajuan Islam Malaysia (Jakim).

LATAR BELAKANG

2. Prosedur Permohonan Kebenaran Berkahwin ini merupakan satu panduan kepada para Pelajar yang ingin memohon kebenaran berkahwin.
3. Prosedur ini juga membantu Pelajar memahami tatacara permohonan kebenaran berkahwin sebagaimana yang diperuntukkan dalam sub Klausa 5.7 (c), Perjanjian SPH yang menyatakan seperti berikut:

“PELAJAR hendaklah tidak boleh berkahwin tanpa terlebih dahulu mendapat kebenaran daripada KERAJAAN.”

4. Prosedur ini juga bagi mengelakkan Pelajar daripada melanggar Perjanjian SPH yang boleh menyebabkan SPH ditamatkan dan Pelajar perlu membayar sejumlah wang sebagai ganti rugi dan denda kepada Kerajaan Malaysia.

SYARAT-SYARAT PERMOHONAN BERKAHWIN

3. Pelajar yang ingin berkahwin mestilah mematuhi syarat-syarat seperti berikut:-
 - 3.1 Penuntut adalah bertanggungjawab menanggung sendiri segala perbelanjaan yang berpunca daripada perkahwinannya, sama ada secara langsung atau tidak langsung, misalnya perbelanjaan rawatan perubatan bagi suami/isteri dan anak-anak, tambang-menambang dan sebagainya;
 - 3.2 Penuntut hendaklah menumpukan sepenuh perhatian terhadap pelajarannya dan menamatkan kursus dalam tempoh yang ditetapkan serta kembali ke Malaysia dengan serta-merta setelah tamat kursus walaupun tempoh kuat kuasa biasiswa belum tamat;
 - 3.3 Penuntut tidak boleh menukar kursus atau tempat pengajian atau melanjutkan tempoh pengajian diakibatkan oleh perkahwinan ini; dan
 - 3.4 Jabatan Kemajuan Islam Malaysia (JAKIM) akan menarik balik biasiswa dan menuntut ganti rugi jika didapati prestasi akademik penuntut merosot sama ada secara langsung atau tidak langsung diakibatkan oleh perkahwinan ini.

TATACARA PERMOHONAN KEBENARAN BERKAHWIN SECARA ATAS TALIAN

4. Para Pelajar yang ingin memohon kebenaran berkahwin hendaklah melalui proses berikut :

- 3.1 Mengemukakan permohonan **sekurang-nya-kurang-nya tiga (3) bulan sebelum perkahwinan tersebut dilangsungkan.**
- 3.2 Mengisi dengan lengkap Borang Permohonan Kebenaran Berkahwin secara atas talian di alamat <http://sph.islam.gov.my> dengan melayari sebagai penerima (*login penerima*).
- 3.3 Hendaklah mengisi borang atas talian dengan lengkap pelajar perlu mencetak dan mendapatkan ulasan fakulti pengajian bagi dalam negara atau kedutaan besar Malaysia bagi luar negara.
- 3.4 Setelah ulasan diisi dengan lengkap maka pelajar perlu memuat naik dokumen tersebut di dalam sistem SPH dan hantar.

4. Pelajar akan menerima surat pemakluman berhubung keputusan permohonan kebenaran berkahwin daripada pihak Jakim melalui email atau pos.

5. Pelajar hendaklah mengisi dengan lengkap Surat Akuan Penerimaan Kelulusan Kebenaran Berkahwin (**Lampiran III**) dan hendaklah dihantar semula kepada pihak Jakim bersama apa-apa dokumen lain yang ditetapkan oleh pihak Jakim.

KELULUSAN

7. Pengarah Bahagian Pembangunan Insan, Jakim boleh, jika berpuas hati dengan permohonan Pelajar meluluskan permohonan kebenaran berkahwin.

PINDAAN

8. Apa-apa pindaan kepada prosedur ini tertakluk kepada kelulusan Ketua Pengarah Jakim.